

澹

堂

集

八

溉堂集 (清) 孫枝蔚撰

上海古籍出版社出版

(上海紹興路五號)

上海市印刷七廠印刷

新華書店上海發行所發行

各地新華書店經售

一九七九年十月第一次印刷

開本：六一〇乘一三七二毫米十二分之一

印張：一三一又三分之二 印數：一——四〇〇〇部

統一書號：一〇一八六·一〇三 全八冊 綉裝本定價：二十六元

漑堂後集卷之四

焦穫孫枝蔚豹人著

辛酉七言絕句

八極上人六十

甲子平頭萬事空，惟言尊酒有奇功。退之能識靈師否？

會得真如是醉中。

韓昌黎送靈師詩飲酒盡百杯嘲謔思愈鮮。

繩牀坐到白頭時，勝友何如遠法師。荅道無心覓顏謝，

自家家裏總能詩。

謂令弟叔定季用。

送黃俞邵再膺薦舉入修明史

記送麻衣返舊都，曾令宰相動嗟吁。徵車再上三年後，把酒含淒聽孝烏。

資格相沿已累朝如今薦士用羣僚鬻田貢禹全無慮
大吏都知重野樵

眯眼塵高北去程安車何似馬蹄輕難忘舉主久相待
那爲貪求當世名

潘朱

次耕錫鬯

同日侍經筵肯使姜黃西漢俞邵久在田書目進

呈難更緩好文 天子正英年

山中亦得作傳人滿屋堆書架少塵或擬馬班君一笑
班依權勢馬羞貧

筆削誰能備勸懲每談遺事恨填膺王生不錄文丞相

野史從來未可憑

周石初集郡人有王炎登者濫名忝宋季士流著江南野史不錄文丞相

以呂文煥賣降爲不得已

雲霄一鶚眼中飛，早爲前朝定是非。
謀國須知邊備重，江陵相業古來稀。

史到宋元真可廢，黨分牛李最堪憂。
臨岐無限丁寧意，韓愈應難怪柳州。

題姜勉中思嗜軒

白首相逢桃葉津，詩才酒態懶重陳。
只看思嗜軒名好，不愧浚衣社裏人。

徒思飲食亦區區，更是門庭不可污。
向乃生歆真恨事，建雖違到未云迂。

拚死櫻鱗血染裳，老思君父涕淋浪。
乃翁所嗜非羊棗，橄欖從今忍更嘗。

讀元處士周霆震石初集有感

清節先生至正中憂時頗與杜陵同蚤年應舉還多事

淳祐遺民是乃翁

石初父復齋生於宋淳祐巳酉

老眼愁看殺氣侵雄藩滅後寇如林酣歌不分全叅政

匹馬須償一百金

集中紀叅政全子仁事不一而足有云叅政軍令喪馬一匹償白金一百

兩是蓄不戰之馬也

豺虎縱橫麟鳳稀老人詩罷淚長揮可憐國脉危如綫

肯聽忠言戴布衣

詳戴氏濟美志

埋冤樹下怕經過白髮丹心奈若何古往今來如一日

諸君請讀宿州歌

宿州歌序云知州廉能在位十二載遠近歸心因不納拜見之禮責以軍

前供給知州既行宿州遂陷

送獨任和尚北遊

石室茆茨得趣多師今遠去意如何學人老向禪牀坐

只似將磚石上磨

用懷讓禪師事

一瓶一鉢出江城到處天邊有月明遇着嶽神能乞戒

不愁山路險難行

用元珪禪師事

名門利路正喧囂問道何人似李翱

李翱問惟儼禪師如何是道師曰白

雲在天水在瓶

驗取無塵明鏡子軟紅十丈任渠高

番僧滿路着黃衫出口焉知聖與凡但有靈山如鷲嶺

何妨文暢此開函

與笠居和尚坐朱阜公秦淮寓亭閒話竟日有贈

老來無計守鷄窠且喜論交白社多細與頭陀碑作註

何如竟日對頭陀

方外交情絕世情十年相契一朱生
那知血性真男子却守茅菴折脚鐺

坐有禪師卽道場書生自笑只顛狂
東林酒與東坡肉智眼相看總不妨

朱生憤悶獨何爲我已心空軟語時
不待修羅藏藕孔金仙忍辱本吾師

阜公偶以訟事留滯江寧

經龍江亭故址

鳳輦龍袍亭上來中原戰士凱歌回
賦詩得賀徐丞相當日儒臣亦幸哉

洪武初大將軍徐丞相平定中原班師還朝太祖御龍江亭命儒臣賦

詩迎之

雨花臺

臺邊杖策訪僧寮景物清秋未寂寥此地當年來兀术
江山猶自屬南朝

自池州歸抵儀真別江船二絕

三老開船慣禱神腐儒乞食不由身今朝出得千重浪
始勝遨遊仕路人

宋序致仕詩千重浪裏隨流出百尺竿頭試險回

自怪栖栖二十年江湖深處少詩篇何時得作騎牛客
并不教兒上釣船

詠吳中古蹟和王仲光高士

孫武廟

遺廟千秋並子胥無人不美立功初不催師進憑師退

我獨因君想闔閭

附王仲光詩

詩序盤門子胥廟舊稱伍孫雙廟或指孫爲孫堅子
胥武子並事闔閭其並廟宜也或言神孫武烈是孫
堅謚或言神稱昌武大王不知是何武孫名武其是
耶詩云始破楚時謀入郢民勞能退待他時因知良
將行師處先在憐人善撫綏

孫武墓

善戰將軍卧古丘著書遺害幾時休十三篇尙嫌多事
八十餘篇忍更搜

附王仲光詩

詩序城北平門西北二里詩云行兵無敵顯當年有墓於今是野田八十餘篇書在晉流傳惟見十三篇

梧桐園

宮園衆樹讓梧清

園在吳宮

可惜曾無彩鳳鳴已是催愁因

落葉何堪入夢復橫生

夫差夢前園梧桐橫生公孫聖占之曰梧桐心空不爲用但爲育

僮與死人俱葬也

附王仲光詩

詩序故吳宮吳王夫差園一名琴川古語云梧宮秋吳王愁詩云七月交秋未變秋輕輕一葉下枝頭君王不在當時悟直到凋殘後始愁

石鼓

山神亂世少神靈萬古何曾久太平此地戰船曾屢下
可憐石鼓總無聲

附王仲光詩

詩序石城山西靈巖山也舊記石鼓鳴卽兵興詩云
那是岐周有篆銘雨淋青處土花生山靈休遣音聲
起零落吳儂厭見兵

吳女墳

隱語從來少解人何難痛哭諫君親屬鏤賜與忠臣日
兒女誰能不愛身

附王仲光詩

詩序閭門山塘南一說王食蒸魚餘與女女怒死一

說女欲嫁韓重王不從女怨死死後墳上女作歌樂
圃公釋女歌曰南山有鳥喻越也北山張羅喻制越
非所也鳥旣高飛勾踐強也羅將奈何難制越也志
欲從君讒言孔多謂欲從父命奈其聽讒言而忘忠
言也此詩殆女生時賦也韓重之怨蒸魚之怒非也
按太子友憂王疎子胥信伯詔不防越乃伐齊作隱
語謀女蓋憂作歌諒樂圃所釋信然也女死非怨怒
其憂耶詩云眼睜家國把眉顰無奈芳年病損身歌
裏分明人聽誤苦猜儂意是懷春

閭丘坊

守令循良未易求東坡相對話黃州如今萬戶貧如洗

誰識閭丘勝虎丘

附王仲光詩

詩序張馬步橋東閭丘孝終公顯家焉公顯守黃州
與蘇文忠公甚親密詩云東坡當日在蘓州愛覓清
聞去處遊不到虎丘泉石上便來坊裏謁閭丘

天平山

太行上黨吾曾到今見天平矮可憐何似范公能睦族
聲名不愧永流傳今人妄立名字過相推許稍知詩則
擬之李杜畧能文則稱爲班馬皆天

平山之類也虛名其可居乎作
此詩不惟戒人亦以自勉也

附王仲光詩

詩序吳縣文正公忠宣公嘗至焉詩云山頭隱隱在

青雲霎霎松聲遠近聞來省族人山下宿宋朝賢相
范家孫

白石山

閱尋古蹟泊舟頻白石山前愁煞人開口如今多忌諱
誰還說着顧元新

附王仲光詩

詩序許墅北宋末顧五二山前民家子爲宋起兵拒
朔方軍結壘望亭塢設溪上拒之詩云山前民有顧
元新來與南朝拒北人戰敗不降兵數萬一齊投在
太湖濱

孫老橋

孫老橋邊孫老過
閔思往事笑聲多
鍾鳴漏盡不歸去
欲立賢名奈爾何

附王仲光詩

詩序吉利橋西唐白頭橋白樂天爲之天聖初孫冕
修之樂圃云孫公治蘇人畏愛故名詩云白傳經營
年紀衰蕭蕭白髮滿頭絲孫公領郡來修葺又在衰
年白髮時

伯通墩

古塚無隣草亦衰
奉卿魂魄復依誰
遠方賢士長流涕
傭保如今不可爲

附王仲光詩

詩序胥門西臯伯通墓也世傳伯通字奉卿詩云獨
識梁鴻與孟光生時人已不尋常城西墳上皆荆棘
名字流芳却未荒

孫王墓

決計迎鑾獨恐遲袁曹兵馬任相持中原正恨生荆棘
荆棘傷身却不知

附王仲光詩

詩序盤門外三里孫策也曹操與袁紹相持策欲往
許昌迎獻帝爲許客刺塋此焉許云千里爭衡最少
年馬騎風疾喜行前正當許下迎天子玉樹生埋在
九泉